

TRACTATV. LV.S

De

ANTIQVORVM  
SCRIPTORVM CONSI-  
DERATIONIBVS IN  
ALCHYMIA;

*Continens*

INTERPRETATIONEM OBSCVRORVM  
verborum, nominum & locutionum Artis,

*Olim à*

SAMVELE NORTONO  
aliàs Rinuillo Bristollensi in-  
choatus:

*Nunc verò*

editus studio, labore & industriâ  
EDMUNDI DE ANI  
ANGLI MED. D. OXON. MEDICI  
EBORACENSIS EMENDATOR,  
auctior & perfectior.



FRAOCOFVRTI;

Typis Gaspari Rötelij, Impensis Guilielmi Fitzeri.

Anno M. D. XXX.

27. INVARIANT

ANALYTICAL

OF THE

THEORY OF

THE

THEORY OF

THE

THEORY OF

THE

THEORY OF

THE

THEORY OF

THE

THEORY OF

THE

THEORY OF


THE

THEORY OF



HONORATISSIMO ET EX-  
CELLENTISSIMO VIRO,  
*Domino*

RICHARDO WESTONO,  
BARONI NEYLANDENSI,  
INSIGNIS EQVESTRIS ORDINIS  
Gartherij seu Perifcelidis Sodali, Summo Angliæ  
Thesaurario dignissimo.



CHRISTOPH. Columbus (Honoratiss. Domine)  
Genoensis ciuis, Indorum cum primùm occidenta-  
lium amplas & ad miraculum diuites inuestigasset  
terras (quas Sebastianus Gabato Anglus, & ciuis Bri-  
stollensis nauigatione suâ adaperuit) Henricum no-  
strum eiusdem nominis Regem septimum, quâ po-  
tuit, adiit diligentia: & cum aduentus sui causas apud potentissimum  
Principem memorasset, Regi ad conatum tantum subeundum, mul-  
tis quamuis suasit rationum momentis, non persuasit tamen. Vel  
enim Rex homini diffidens peregrino, aut negotiis priuati occupa-  
tus Regni, exteris se non vacare ostendit infelicitè. Quod Henricus  
noluit iter, amplectuntur Castellæ Principes. Columbum iam suum,  
tanquam Deorum munus, accipiunt & venerantur. Cuius cum fidei  
commissa essent & credita itineri tanto, quæ necessaria maximè  
censeantur, vento, & mari exponunt virum; cuius arte & industriâ  
breui fit, ut quod Henrico pollicitis, Ferdinando & Isabellæ ipsis re-  
bus verè præstitit & compleuit. Hinc Hispanorum gens ad id hono-  
ris fastigium euecta est, quò altius Europæa nulla aut potest, aut ex-  
pectat.

Communis licet hic sit mortalium morbus, virtutem, quam præsentem oderint, negatam prosequi; est tamen hæc non minima nostratum virtus, immò gloria maxima, malis mederi potius præteritis, quàm præsentibus ingemiscere infortuniis.

Ecce itaque (Nobiliss. Domine) Nortonus, Bristollensis ciuis alius, nobis eas parat domi, quas foràs Gabato viditopes, & tantum vidit: Hispani verò perfruuntur. Qui post septem Alchymia editos eius ac vulgatos à nobis libros, in hoc octauo, & inter Nortonianos ultimo, Honoris tui exoptat patrocinium. Iustè hoc (me iudice) nec non dignitati tuæ maximè consentaneum. Cui enim Thesauros suos tantos offerret, nisi tibi tanto Thesaurario, vt meritò apud Amplitudinem tuam maneat æquissima libri dedicatio, penes quam iustissima resideat rerum totius regni distributio; vt cum Summam & sensum obscurorum verborum, & locutionum Artis tibi damus intueri, artem ipsam, & quæ in ea sunt vniuersa, faciliùs erit computare.

*Honori & Amplitudini tuæ*

*Addictissimus*

Edmundus Deanus.



**V**T planius intelligantur Philosophorum verba, obscura nimis & abstrusa, imprimis considerandum erit de multiplici eorum intellectu, vt sic Lector apertè scire queat, quando vel de vno, vel de altero intelligi volunt. Nam aliter orietur intellectus confusio & cognitionis obscuritas. Quæ quidem vt abrogentur, æquum iudicauimus, vtilem hunc de considerationibus Tractatulum conscribere. Primo opere igitur de multiplici Mercurii consideratione erit dicendum.

Notandum est itaque, quòd cùm de Mercurio loquuntur Philosophi, non est iste Mercurius pro Arg. viuo accipiendus, sed pro 2. Mercurio sublimato. In secunda consideratione accipitur pro aqua 3. calcinatiua ad solutionem omnium corporum. In tertia accipitur pro Mercurio cuiusq; corporis, id est, pro alba corporis tinctura. In quarta accipitur pro Mercurio philosophorum, & tunc solummodò intelligendus est pro sulphure nature suæ sui ipsius corporis proprii, suæ pro cæteris corporum sulphuribus. 4.

Mercurii 6.  
considerationes  
quatuor.

Sicut reperitur in clangore Buccinæ : Mercurius est tinctura suæ aqua permanens à corporibus extracta per dissolutionem, distillationem, sublimationem & subtiliationem.

Vnde in Rosario Philosophorum scribitur: Quatuor sunt Mercurij, crudus, sublimatus, Mercurius Magnesiæ (qui sulphuris est) & vnctuosus (qui est Mercurius tingens.)

Dicit itaq; Alphidius Philosophus : Congelate Mercurium cum corpore Magnesiæ. Non intellexerunt Philosophi Arg. viuum, aut Mercurium, qui videtur, nec Magnesiæ, quæ vulgò videtur; Sed per Mercurium intellexerunt humiditatem illius mixtionis, quæ est humiditas radicalis Lapidis nostri.

Item de isto Mercurio loquitur Senior, accipiens Arg. viuum pro Mercurio, quod sæpè fit & pro eo accipitur: Arg. viuum, inquit, est spiritus, & dicitur aqua permanens, suæ acutum, suæ menstruum, suæ nutrimentum & multis aliis nominibus.

De tertio, qui sulphuris est, sic etiam ibi inquit: Ex corporibus resultat, & est albi coloris, antequàm ei ignis aduenit: igne adueniente, erit rubrum, & hoc à Lapide diuino procedit.

Mercurii al-  
biseu Tin-  
cturæ albæ  
consideratio.

Per resultationem ex corporibus subintelligi voluit, vt sulphur

de corpore fixo componeretur & de Arg. viuo siue Mercurio omnium corporum, & sic quod ex eis resultat, est Mercurius Philosophorum in corpus album & siccum conuersus.

Sicut iam antea considerauimus de Mercurio albo siue de Tinctura alba; sic nunc considerandum est de Mercurio rubeo siue igne, siue animâ, siue oleo Lapidis. Nam ignis, anima & oleum, vnū idemque sunt. Est enim Tinctura rubea siue Arg. viui, siue aliorum corporum.

Mercurii rubei siue Tincturae rubee consideratio.

Cum igitur de oleo Philosophorum agitur, intelligas illud de rubeo sulphuris oleo siue eius liquore esse dictum. Cum autem de oleo incombustibili, illud solummodò intelligitur de propriis fermentorum oleis siue antequam sulphura sint, siue cum sulphura sint, de eorum oleis aut solutionibus. Potest etiam rectè intelligi de solutione Auri potabilis per projectionem facti.

Quoniam de Mercurio albo iam locuti sumus, qui aër est & aqua Lapidis, & etiam de oleo, quod eius ignis est & anima, quæ duo sunt eius elementa; ad tertium nunc redeundum est, quod sal siue terra nuncupatur.

Terræ & salis consideratio.

Post separationem itaque duorum prædictorum elementorum, quod in fundo vasis remanet, terra est siue sal. Si vero in nigredine maneat, tunc terra proprie dicitur; post cuius calcinationem, cum candida erit, tunc sal extrahitur. Si autem post reliquorum elementorum separationem terra remaneat alba, ut in aliquibus corporibus facile vult, tunc sal est.

Postremo sal pro sulphure accipitur, & sulphur pro sale; aliquando etiam pro corpore, sicut ex clangore Buccinæ patet his sequentibus verbis: Nota; Sal omne fixum ponitur pro corpore vel retenaculo: Et tale sal extrahitur à rebus calcinatis, & sal nostrum, quod est tinctura, extrahitur à calce metallorum per putrefactionem.

De tali sale dicit Senior: Primò fit cinis, postea sal, & de illo sale per diuersas operationes Mercurius Philosophorum.

Raymundus etiam dicit: Ars semper indiget calce, id est, terrâ suâ propriâ, in qua maxima virtus naturalis est imposita ad indurandum Mercurium; quia ipsa semper fuit per media & extrema Lapidis; ideo eam non obliuiscaris. Postmodum spiritus & anima debet reddi

reddi corpori, & sic corpus resuscitari, ac spiritus & anima in corpore mori, vt verificetur dictum Philosophi dicentis:

Qui mecum moritur, mecum oritur: post cuius ortum dicitur Terra foliata. Hæ terræ considerationes nunc sufficiant.

Sed quoniam inter prædicta fit coniunctio siue matrimonium, nempe spiritus cum corpore ad album, & postea pars eiusdem corporis rubificati coniuncta cum anima ad rubeum, de coniunctione vel matrimonio consequenter tractabimus.

Coniunctio itaque quadruplex est. Prima de mare & fœmina, <sup>I.</sup> eaque est omnis Mercurii cum suo corpore (quod Terra iam dudum <sup>Coniunctio-  
nis conside-  
rationes  
quatuor.</sup> dicebatur) coniunctio, quæ est opus putrefactionem præcedens, ac matrimonium vocatur. Secunda est coniunctio ignis cum terra; quæ <sup>2.</sup> nunquam accedit ante creationem sulphuris. Nam postquã sulphura in albedinem conuersa fuerint, tunc danda est ei sulphuri Tinctura sua rubea siue anima, & tum fit ternaria coniunctio. Prior erat spiritus & corporis; at posterior ista est spiritus, animæ & corporis, quæ <sup>3.</sup> Lapidis est perfectio. Tertia est cum nouo Mercurio rubeo coniun- <sup>4.</sup> ctio, quæ Cibatio, Contritio, & Inceratio dicitur. Quarta est sulphuris (seu Lapidis) cum sui fermenti oleo coniunctio, vt fermentetur Lapis.

De hisce autem coniunctionibus in Lib. de Arte Chymica sic habetur: Coniungere ergo debemus corpus & animam; Solem & Lunam; masculum & fœminam; duo spermata (nempe liquorem sulphuris corporalis soluti, & liquorem sulphuris Luminaris) cælum & terram, & duo (vt ita dicam) Arg. viua; quæ miselli homines de Mercurio crudo dicta intelligentes, sunt hallucinati.

Vel sicut in Scala Philosophorum docetur: Triplex coniunctio fit, ex corpore, spiritu & animâ. Nam secundum Philosophos sicut anima est vinculum spiritus, ita & corpus est animæ, eò quòd spiritus penetrat, corpus figit, anima copulat. Prima itaq; cõiunctio est spiritus & corporis; postrema etiã animæ; & ita hæc est ternaria coniunctio.

De prima coniunctione aquæ cum terra audienda est Maria in libro Rosini ad Euthiciam: Congelate, inquit, terram aquâ graui. Hoc autem fit in prima compositione, id est, quando pro sulphure spiritus & terra coniunguntur. Item

Item de secunda, nempe de coniunctione ignis cum sulphure, sic dicit: Quæ aqua sulphuris, est aqua viua, quæ omnia liquefacit & congelat. Primo namque omnia decoctione deposuit, deinde congelat, alieno non ingrediente ei: Et scitote, quod hæc aqua continet omnem tincturam sibi mixtam.

Vnde dicit Aristoteles in suo Tractatulo: Accipe ergo filium tuum charissimum, & sorori suæ albæ æqualiter coniunge Per filium charissimum, Argent. viuum, Mercurium, vel spiritum Lapidis, per suam sortorem, terram albam siue corpus intelligit. Dein procedendo, docet tertium operis nostri gradum esse reductionem Lapidis in terram naturalem. Quæ quidem fit per terræ contritionem & aquæ super ipsam incerationem. Pone ergo, inquit, in vase tuo terram suam calcinatam, & superfunde aquam rectificatam, vt dictum est.

Sed vt cum Philotis Philosophi dictione has coniunctionis considerationes finiam, sic dicentis: Omnibus præfatis à quocunq; Magistro, nihil aliud significamus vobis, quàm Albar æris; eò quod tingit omne corpus, quod in compositionem introiuit: Cuius compositio duplicis est complexionis: vna enim est humida; altera verò sicca. Humida est Albar æris (quam postea vocat plumbum æris) sicca est corpus siue terra, de qua posteriùs loquitur, sic dicens: Cùm proinde coquantur, vnum fiunt, & dicitur bonum plurimorum nominum; est, cùm in album decoquitur. Cùm verò rubeum fit, auri flos dicitur, & auri fermentum, aurum coralli, & aurum rostri. Dicitur etiam redundans rubeum sulphur, & rubeum auripigmentum.

Putrefactionis considerationes.

Finita Coniunctione, cuius perfectio in putrefactione consistit, necesse iam est, vt de ea proximè tractetur, vt expressius de eius accidentibus considerari queat. Nam inutilis esset coniunctio, nisi foetus procrearetur; quia sine putrefactione fieri nequit.

Vnde de illa re præcipuè sic declarandum est, quæ sit generationis causa, sicut Bacco Philosophus testatur, ita dicens: Quando naturæ corrumpuntur & putrescunt, tunc gignunt.

Ponit huius generationis Plato exemplum in ouo, quod putrescit primo, & tunc gignitur pullus, qui post totum corruptus est animal viuens. Vnde idem: Nota; quod sine corruptione generatio fieri non



non potest: quia Philosophus ait: Corruptio vnus est generatio alterius.

Aristoteles rex & philosophus sic inquit: Nunquam vidi animal crescere sine putrefactione: nisi autem fiat putridum, in vanum erit opus Alchymicum.

Putrefactio, inquit Pithon, non fit absque humido & sicco, id est sine spiritu & corpore.

Vnde Saluator: Nisi granum frumenti cadens in terram, mortuum fuerit, ipsum solum manet. Si autem mortuum fuerit, multum adfert fructum; & nisi humiditas vteri esset coniuncta, & calor continuus, sperma non maneret, nec fœtum procrearet.

Secunda putrefactionis consideratio est de calore & ignis gradu: qui calore extrinsecè administratus, erit putredinis couca. Nam calor agens in humido, putrefactionem generat, qui est balnei caloris in putrefactione tres. istius caloris gradus primus assimilatur calori Solis labentis in Tauro. Secundus gradus sufficit desiccationi, & iste assimilatur calori Solis discurrentis in Geminis. Lapide desiccato & incinerato, tertius gradus incipit à desiccatione, & durat vsq; ad perfectionem Lapidis, & assimilatur calori Solis in Leone. Hæc enim est suæ dignitatis domus.

Non solum de caloribus considerandum est, sed & de coloribus simul. Tres sunt itaque, ut inquit Auicenna, principales colores: Niger, Albus & Rubens. Colores veri in putrefactione tres.

Niger apparere incipit primus post conceptionem, & postquam vas cum materia steterit in balneo 40. dies in primo ignis gradu. Albus apparet secundo ignis gradu, dum materia sit desiccata. Rubescit apparet, cum materia est perfecta in tertio ignis gradu.

Considerandum est etiam de aliis accidentalibus coloribus, qui inter primum & medium colorem accidunt, & eorum quoque, qui inter medium & extremum. Inter nigredinem (quæ caput Corui dicitur, & initium est putrefactionis, ac primum putredinis signum) & ante albedinem varii colores apparent. Citrinescit enim, & rubescit, non rubedine verâ. Colores in putrefactione falsi & accidentales.

De quo quidam Philosophus sic dicit: sæpius rubescit, sæpius citrine-

trinefcit, & ſæpius liquefcit, & ſæpius etiam coagulatur ante veram albedinem.

Vnde alius dicit: ſeipſum diſſoluit, ſeipſum coagulat, ſeipſum rubore decorat. Ante albedinem etiam fit viridis. Apparet etiam ante albedinem color pauonis ſeu cauda.

Vnde quidam alius ſic ait: Scias, quod omnes colores mundi, qui excogitari poſſunt, apparent ante albedinem, & deinde albedo ſequitur vera.

Alius autem quidam ait: Tam diu decoquatur, donec purus appareat, veluti oculi piſcium eluceſcunt, & tunc ſcias, quod Lapis noſter in reſtitutione eſt coagulatus.

Inter medium iſtum albedinis & vltimum rubedinis verum colorem accidit citrinum grizei coloris, de quo ſic dicitur: Calore ignis augmentato, peruenitur ad citrinum.

Et alius: Cinerem ne vilipendas, quia Deus reddet ei liquefactionem, & tunc vltimo Rex diademate rubeo, diuino nutu, coronatur.

Peraſto iam putrefactionis modo, notandum adhuc eſt, quod putrefactio, coitus, conceptio, imprægnatio, ortus & viuificatio ſunt eadem, & in vnico tempore ſunt per digeſtionem, decoctionem & coagulationem. Hæc igitur pro vero putrefactionis intellectu ſufficiant.

Sed quia ſulphur omne aptum & idoneum ad opus noſtrum per putrefactionem generatur, vt paululum de eo conſideremus, neceſſarium eſt.

Sulphuris  
conſidera-  
tiones.

In primis itaque ſciendum eſt, quod ſulphur noſtrum non eſt ſulphur vulgi, ſed ſulphur compositum ex ſpiritu & corpore metallorum proprie imperfectorum. Sulphur autem Luminum eſt duplex; primum, quod putrefactione efficitur poſt eorum ſolutionem: alterum, cum Lumina reducuntur in olea ſimplicia per aquam Mercurii ſimplicem, vel cum corroſiua composita.

Iſta autem duo ſulphura tam perfectorum, quam imperfectorum corporum ſunt vtraque alba & rubea. Quorum liquores cum iterum coniunguntur, varios ruruſum præbent colores, & dicitur ea coniunctio cibatio vel contritio, quæ in igne ſicco efficitur; ſed

con-

coniunctio posterior (nempe cum Luminum oleis) fermentatio potius dicitur. Quæ quidem apud Philosophos dupliciter habetur.

Prior fit in putrefactione ante siccitatem provenientem, ubi dicitur: Terra est fermentum aquæ, & aqua est fermentum terræ. Posterior propriè fermentatio dicitur, sine qua lapis philosophicus non efficitur, & sine qua persoluta nunquam fit Elixer.

Ideo nota; quod sulphura naturæ composita, quando sunt rubra Ixira appellantur, & post coniunctionem cum Luminum sulphuribus in olea redactis tunc sunt Elixira.

Nuper de calcinatione & solutione locuti sumus, quæ operis & incepti, & finiti sunt duo principia, quæ maximè sunt consideranda. De eis igitur hic agendum est, & primo de priore.

Calcinatio in hoc opere est quadruplex. Primò enim consideratur in præparatione operis de corporum ignita reductione in calces. Secundò per aquas corrosivas. Tertio pro desiccatione vel calcinatione materiæ in putrefactione calcinatæ in sulphur. Quartò accipitur pro siccis lapidis partibus post putrefactionem, quando in pulverem coagulantur.

Solutio quintuplex dicitur, nempe solutio basis; solutio elementorum; solutio philosophica; solutio fermenti; solutio Lapidis & Elixiris.

Solutio basis est reductio corporis imperfecti in liquorem vel chaos.

Solutio elementorum est separatio à chao de per distillationem in elementa, nempe in Mercurium, sulphur & sal; siue in spiritum, animam & corpus; vel in aquam, ignem (seu oleum) & terram.

Solutio philosophica est maris & sceminæ inuicem solutio in putrefactione.

Solutio fermenti est reductio sulphurum Luminum in olea siue alba, siue rubra.

Postrema est solutio Lapidis & Elixiris cuiusque ad virtutis augmentum.

Fermentatio-  
nis conside-  
ratio,

Elixirū con-  
siderationes.

1.  
Calcinationis  
quadrup-  
licis con-  
siderationes.

2.  
3.  
4.  
Solutionis  
quintuplicis  
considera-  
tiones.

1.

2.

4.

Duo totius  
operis gene-  
ra.

Denique duo solummodò sunt totius operis genera, nempe Solutio & Calcinatio. Cætera enim sunt generum species. Quorum prius est opus celi, nempe Solutio & Humectatio: Posterius est opus Terræ, calcinatio scil. vel Desiccatio.

Elixira du-  
plicia.

Ipse etiam Elixira, siue sint alba, siue rubea, duplicia sunt. Vñ, quod peregrinorum dicitur Elixir: alterum Elixir reductum in oleum, siue exaltatum.

Tu itaq; Lector, frater, siue fili, quisquis es, qui siue legas Philosophorum scripta, aut eorum dogmata discere cupias, & in eis legendis quicquid inuenies scriptum siue enarratum de Mercurio, de igne, de anima, de tinctura rubea, de aqua sanguinis, de colla auri, de gumma rubea, de oliua, de gallo, de tauro, de aqua crocea, de ære combusto & composito, de oleo seu igne, de aqua, de spiritu, de alba tinctura, de Rebis, de aqua foetida, de mortui immunditie, de Lapide animali, de Lapide benedicto, de Lapide vegetabili, de Lapide minerali, de Magnesia, de calce, de clauē, de ære, de plumbo, de matre, de virgine sancta, de corona regis, de Talek, de tramite, de spiritu fulgoris, de mare, de balneo, de alumine, de gumma Scotiæ, de aqua sulphuris, de sputo lunæ, de gumma alba, de vitro, de terra, de cinere, de corpore, de sale, de aëre, de coniunctione, de copulatione, de coniugio, siue matrimonio, de putrefactione, de coitu, de conceptione, de imprægnatione, de ortu, de viuificatione, de ablutione, de sublimatione, de subtiliatione, de calcinatione, de sulphure vulgi, de philosophico siue albo, siue rubeo, de corporibus imperfectis, siue perfectis, de Luminibus, de calcinatione siue per ignem, siue per aquam, siue per putrefactionem, siue per desiccationem, de dissolutione vel basis, vel elementorum, vel philosophorum, vel fermentorum, vel Lapidis, aut Elixiris, aut quacunq; ratione fiunt, secundum has considerationes semper intelliguntur.

Et sic intelligere debes omnes obscuras & ænigmaticas, omnesque planas & apertas Philosophorum sententias. Nam mos erat priscorum in multitudine verborum, nominum, & ænigmatum artem hanc obscurare. Sed quia nostrum velle est, ea aperire, quæ ab  
eis



eis abscondita remanserunt, vt nemini essemus erroris causa, ideo  
 hunc paruum Tractatulum conscripsimus, vt neque ex priscorum  
 scriptis, neque ex nostris accumularentur obscuritates, errorum origi-  
 nes. Hisce itaque charissime Lector, satis instructus, tutè  
 poteris totos philosophorum libros cum  
 intellectu perfru-  
 tari.

*F I N I S.*



Errata in prioribus septem libris omiffa, & imprimenda, &  
poſtea eis addenda.

1.

*Lib. de Mercurio Rediuino. Pag. 3. linea 5. Deanus. p. 4. lin. 5. indagatiōi. l. ead. narraui. l. 16. ſoles. p. 8. l. 28. aſcendet. p. 9. l. 16. caudantur per optime lutato, & ſeruentur poſtea. l. 19. metalla imperfecta. p. 12. l. 8. nempe ſulph. p. 13. l. 6. illud. p. 15. l. 1. Accurtatione. p. 19. l. 8. auri-  
fabris. l. 15. ſeruandum.*

2.

*Libro de Catholico Phyſicor. pag. 6. linea 16. dele, quoddam oleum aurei coloris. bis enim  
imprimantur illa verba. p. 7. l. 25. ſanguis. p. 9. l. 9. adderetur. p. 10. l. 10. accurtationem. p. 11. l.  
penult. dele Catholicon Phyſicorum, & pone, Antimonium. l. vlt. Mercurius. p. 12. in margin.  
Hylatio. p. 16. l. 15. ſunt, & in Muſeo meo Eboracenſi prece vel premio Artiſte priuatum com-  
municanda, aut ſaltem eiufdem Lactis copia ſuppeditanda, nec non Tinctura ☿. ij rubea.*

3.

*Lib. de Venere vitriol. pag. 3. l. 4. & c. Caroli Regis, & c. à ſecretioribus conſiliis, nec non  
Conſilii Regii, & c. Praſidi digniſſ. & c. l. 14. pradicabit ſummam. p. 9. l. 12. phiala. p. 13. l. 22.  
fal. l. vlt. dele, venus vitriolata, & etiam pag. 11.*

4.

*Lib. de Elixere ſeu Medicina vita. p. 1. l. 15. reddendi. p. 5. l. 6. Hi enim. p. 6. ad lineam 12.  
in margine, imprimatur, Elixir vite rubeum. l. 19. dele cum. p. 8. l. 4. noſtrum. p. 9. l. vlt. Para-  
ceſus lib. de Tinctura. p. 10. lib. 9. primaui. l. 15. ſeu. l. 20. hac. p. 11. l. 1. quantitatē. p. 13. l. 22.  
ſub uilloſi per.*

5.

*Lib. de Saturno Saturato. p. 1. l. 15. methodo. l. 17. Accurtatione. l. 22. ex quinq. metall.  
p. 3. l. 22. minus. p. 6. l. 16. & linea 22. trinis. l. 20. talia. p. 10. & p. 11. in marg. Chaos. p. 17. l. 4.  
amletum, lege loricatum. p. 18. l. 8. ſterit. l. 10. acetum. l. 24. Remanet. pag. 19. l. 5. accurtatur.  
l. 20. inducendam. l. 22. tum. p. 20. l. 29. appropriauimus.*

6

*Lib. de Metamorph. Lapid. p. 10. l. 16. Archidoxeos. p. 11. l. 18. liqueſcat. p. 12. l. 1. Arbatel.*

7.

*De Alchymia complēt. p. 1. l. 5. Augmentandi. p. 4. l. 5. & gradum. l. 32. ſuper mille, tunc  
proicitur ſuper 10. millia. p. 5. l. 16. plures partes tingit. p. 8. l. 26. conuertant. p. 9. l. 11. depuren-  
tur. l. vlt. accipit. p. 11. l. 17. dare. p. 12. l. 18. to. p. 13. l. 1. therefore. l. 15. Solis. l. 22. creetur. l. 27.  
Martiali, cholerica complexionis, vt Author intimat. p. 14. l. 7. VVijelie. l. vlt. philoſophico. p.  
16. l. 2. Secretum. l. 3. edoctum. l. 4. excepto.*

In

In Emblemate secundo, P A R I V N T.



In singulis libris siuè Elixer, siuè Elixir legas, parùm refert. Cætera vel forsan omiſſa, vel leuiora errata, Lector benignus vel emendabit, vel humaniter excuſabit, nec in libris Alchymicis tam ſermonis & elocutionis ornatum, quàm Subiecti veritatem & vtilitatem expectabit.







